


**TEZAUUR LITURGIC**  
**15 DECEMBRIE**

**SLUJBA**  
**SF. IERARH-MUCENIC**  
**ILARION TROIȚKI,**  
**ARHIEPISCOPUL**  
**VEREISKULUI**



**MINEIUL PE DECEMBRIE**  
**MOSCOVA**



# МЕСЯЦА ДЕКЕМВРИЯ В 15-Й ДЕНЬ

Священномученика Илариона,

архиепископа Верейскаго

## НА МАЛОЙ ВЕЧЕРНИ

На Господи, воззвах: стихиры на 4, глас 6:

Егда́ Бо́жиим попуще́нием при́иде на Це́рковь  
гонене́е лю́тое, воздв́иже тя Госпо́дь, Иларио́не  
сла́вне, Це́ркве непоколеби́мага столпа́,  
му́чеников украше́ние, сосу́д честный Свята́го  
Ду́ха.

Егда́ любы́ и ве́ра оскуде́ша и преда́ния  
оте́ческая забвена́ бы́ша, Иларио́не богому́дре,  
писа́нии твоими́ тьму́ лжеуче́ний обличил еси́,  
святы́х отце́в насле́днице.

Егда́ во́лны ересей́ Це́рковь Бо́жию обурева́ху,  
ты, Иларио́не, богому́дрыми словесы́ тех  
свирепство́ утишил еси́.

Егда́ неистовии́ богоотсту́пницы́ смуща́ху  
Це́рковь Бо́жию, ты, священномучени́че  
Иларио́не, ве́рность́ первосвя́тителю́ Тихону́  
неколе́блемо сохрани́л еси́, бла́гий о́браз всем  
подава́я.

Сла́ва, глас то́йже:

Кто возмо́жет восхва́лити тя, избра́нниче Бо́жий и Це́ркве Христо́вы служи́телю, ересей обли́чителю и раско́лов искорени́телю, ты бо, коле́блющияся вразумля́й, и заблуждши́я на путь и́стинный наста́вляй, враго́м Христо́вым противоста́в, злобу́ диа́волю посрами́л еси́ и Христа́ му́жески испове́дал еси́, Того́ моли́ спастися душа́м на́шим.

И ны́не, Богоро́дичен, глас то́йже:

Богоро́дице, Де́во Чи́стая, Це́ркве Христо́вы покрове́, покрый́ нас от вся́каго зла и обстоя́ния, сохра́няющи чту́щия Тя.

На стихо́вне стихи́ры, глас 4:

До́блестный святите́лю, свята́го патриа́рха Ти́хона сподви́жниче, ты лествь безбо́жных возненави́дел еси́, и собла́зны их обли́чил еси́, и, суди́ще непра́ведное претерпева́я, вене́ц победный стяжа́л еси́.

Стих: Мно́ги ско́рби пра́ведным, и от всех их изба́вит я́ Госпо́дь.

Егда́ святы́ня солове́цкая поругана бысть, ты, архиере́ю Бо́жий, ме́рзость за́пустения в свято́ мѣсто претворя́я, во у́зах в но́щи Святы́я Па́схи

возгласи́л еси́: да воскресе́нет Бог и расточа́тся  
врази́ Его́.

Стих: Уста́ праведнаго поуча́тся премудрости,  
и язы́к его́ возглаго́лет суд.

Премудры́й наста́вниче па́стырей, во ото́цех  
соловѣцких заточе́ние претерпева́я, разбо́йники  
на стезю́ покая́ния напра́вил еси́, отсту́пники  
святы́я ве́ры обличи́л еси́, малоду́шныя утѣшил  
еси́, изнемога́ющия укрепи́л еси́. Те́мже и  
исповѣ́дник Христо́в и́стинный яви́лся еси́.

Сла́ва, и ны́не, Богоро́дичен, глас то́йже:

Мари́е, Ма́ти Па́стыренача́льника, бу́ди  
па́стырем правосла́вным Помо́щница, Це́ркве  
Христо́вы несокруши́мая Стена́, сохраня́ющи от  
раздо́ров и нестро́ений, наипа́че же от зло́бы  
безбо́жия и лю́тых ересей.

Та́же Ны́не отпу́щаеши: Трисвято́е, по О́тче  
наш:

Тропа́рь, глас 4:

Святите́лю Христо́в Иларио́не,/ сла́во и  
похвало́ Це́ркве Ру́ския,/ ра́зум божѣ́ственный  
стяжа́в,/ пред безбо́жники Христа́ дерзнове́нно  
исповѣ́дал еси́,/ Его́же ра́ди страда́ния

претерпева́я,/ лю́дем ве́рным возглаша́л еси́:/  
без Це́ркве несть спасе́ния.

## **НА ВЕЛИЦЕЙ ВЕЧЕРНИ**

Блаже́н муж: 1-й антифо́н.

На Го́споди,воззва́х:стихи́ры на 8,глас 1:

О, священномучениче Иларионе, ревнителю патриаршества истинный, первосвятителю Тихону помощник верен был еси́, Це́рковь Бо́жию соблюда́я во дни искуше́ний и гонений. Те́мже вопие́м ти: ра́дуйся, святителю Христо́в, Це́ркве Правосла́вныя ре́вностный поборо́ниче.

Днесь ра́дуется оби́тель Сре́тенская, иму́щи святы́я мо́щи Иларио́на чу́днаго, его́же па́мять све́тло пра́зднующи, хвале́бно воспева́ет: ра́дуйся, святителю Христо́в, Це́ркве Правосла́вныя ре́вностный поборо́ниче.

О, богому́дре Иларио́не, благода́тию Свята́го Ду́ха просвеще́нный, и́стину Правосла́вия утвержда́я, лука́выя изобличил еси́ и сло́вом кресто́ным безу́мие ми́ра сего́ посра́мил еси́. Сего́ ра́ди взыва́ем ти: ра́дуйся, святителю Христо́в, Це́ркве Правосла́вныя ре́вностный поборо́ниче.

А́гнцу Бо́жию в терпéнии подража́я, беззло́бно темни́чная страда́ния, прещéния и поноше́ния, глад, мраз и боле́зни претерпéл еси́ и, за враги́ моля́ся, Иларио́не свя́те, крóтко ду́шу Христу́ преда́л еси́. Сего́ ра́ди ублажа́ем тя: ра́дуйся, святи́телю Христо́в, Це́ркве Правосла́вныя ре́вностный побóрниче.

И́ны стихи́ры, глас 4:

От Бо́га обогащён чистото́ю душе́вною, по́стническими по́двиги благода́ть Свята́го Ду́ха стяжа́л еси́, добродéтели любите́лю и греха́ победите́лю, земный А́нгеле и Небе́сный челове́че.

От ю́ности Христа́ возлюбив, вся краса́я ми́ра сего́ оста́вил еси́, Иларио́не сла́вне, и, вы́сшаго любомудрия́ взыску́я, в лик ино́чествующих всели́лся еси́, земный А́нгеле и Небе́сный челове́че.

О́чи серде́чней писани́и Божéственными просвети́л еси́, блаже́нне Иларио́не, те́мже, в богосло́вии Правосла́вия высоту́ показу́я, свиде́тель ве́рен яви́лся еси́, и, канóны церко́вныя утвержда́я, вся ко спасéнию

наста́вил еси́, земный́ А́нгеле и Небе́сный челове́че.

Ви́дя я́ко безбо́жных мно́жество на ве́ру Христо́ву ополчи́ся, це́ркви святы́я сокруша́я и лю́ди правосла́вныя истребля́я, тогда́ со слеза́ми к уго́дником земли́ на́шея о спасе́нии наро́да Бо́жия взыва́л еси́, святите́лю Иларио́не, земный́ А́нгеле и Небе́сный челове́че.

Сла́ва, глас 8:

Прииди́те, лю́дие вси, священномученику́ Иларио́ну ве́рно поклони́мся, и, тому́ подража́юще, все упова́ние на Христа́ возложим, и нечестия́ мирска́го отве́ргнемся, в ве́ре же и чистоте́ пребу́дем, порабо́таем Го́сподеви и Его́ Це́ркви Святе́й, ско́рби и боле́зни до конца́ претерпи́м. Ты же, святы́й Иларио́не, моли́ Христа́ Бо́га, да прости́т нам грехи́ на́ша и Ца́рствия Небе́снаго сподо́бит.

И ны́не, Богоро́дичен догма́тик, глас то́йже:  
Ца́рь Небе́сный:

Вход. Проки́мен дне.

И чтéния в Дея́ниях, глава́ 4:

Во дни о́ны, глаго́лющим апо́столом к лю́дем:  
Во дни о́ны, ви́дяще иуде́и петро́во дерзнове́ние

и иоанново:

Во дни оны, отпущена бывша апостола:

(Зри в Миней общей новомучеником и  
исповедником)

На литий стихиры священномученика, глас 5:

Днесь ликует Собор новомучеников Церкви  
Русския, имея в себе священномученика  
всеславнаго, исповедника непоколебимаго,  
Илариона архиерея богомудраго и молитвенника  
теплаго о душах наших.

О, святителю Иларионе, ты, во всем  
божественным отцем последуя, о Церкви  
неложно богословствовал еси, сердце добрым  
подвигом очистив, о людех болезновал еси и,  
врагом Церкви противостав, колеблемыя  
утвердил еси. Темже ныне Святей Троице  
предстоя, молися о душах наших.

Слава, глас 1:

По имени твоему, Иларионе блаженне, и  
житие твое бысть: посреде бо мятежа мирскаго,  
тишину Христову стяжал еси, всегда радуяся и о  
всем благодаря, чистым сердцем Бога познал  
еси и ныне молишися о душах наших.

И ны́не, Богоро́дичен, глас то́йже:

Ра́дуйся, Богоро́дице Чі́стая, церко́вная Похвало́, Сто́лпе дѣвства, премудро́сти Приятелище, Двѣре спасѣ́ния. Не оста́ви нас во тьме неведѣ́ния пребыва́ющих, просвети́ на́ша очеса́ серде́чная и сподо́би ны узрѣ́ти свет Ца́рствия Бо́жия.

На стихо́вне стихи́ры, глас 6:

Дар благода́ти Божѣ́ственныя прия́л еси́, Иларио́не, избра́нниче Бо́жий, крест бо́ взем, Христу́ последовал еси́ и, жи́зни вѣчныя взыску́я, вся су́етная ми́ра отве́ргл еси́. Ны́не же со все́ми святы́ми на небесе́х лику́я, моли́ся о душа́х на́ших.

Стих: На Тя, Го́споди, упова́х, да не постыжу́ся во век.

Бо́ле Бо́жией последу́я, жезл архипа́стырский, я́ко крест, в го́дину гонѣ́ний прия́л еси́ и, к мучени́честву за Христа́ уготовля́яся, Того́ пред безбо́жными дерзнове́нно испове́дал еси́. Ны́не же со все́ми святы́ми на небесе́х лику́я, моли́ся о душа́х на́ших.

Стих: Веселі́тесь о Го́споде и раду́йтесь, пра́веднии, и хвалі́тесь, вси пра́вии се́рдцем.

Ду́ха Свята́го испо́лненный, Иларио́не дивный, посреде́ страда́ний и мра́ка неве́рия, пасха́льныя ра́дости прича́стник яви́лся еси́ и свѣт невече́рний зрѣти от Бо́га сподо́бился еси́. Ны́не же со все́ми святы́ми на небесе́х лику́я, моли́ся о душа́х на́ших.

Сла́ва, глас 8:

Ка́ко нарече́м тя, священномучени́че пресла́вне? Ве́ры ли Правосла́вныя ревни́теля? Богосло́ва ли преизя́щнаго? Устро́ения ли церко́внаго рачи́теля? Му́дрости ли оте́ческаго храни́теля? Пропове́дника ли дерзнове́ннаго? А́нгелов ли небе́сных собесѣ́дника? Недоумева́ет ум именовати́ тя, ты бо еси́ Це́ркве Ру́сския утвержде́ние, страны́ на́шея сла́ва и мучени́ков похва́ла.

И ны́не, Богоро́дичен, глас тойже:

Ра́дуйся, Преблагослове́нная Влады́чице, Сын бо Твой из ме́ртвых восста́ и нам дарова́ живо́т ве́чный.

Тропа́рь пи́сан на ма́лой вече́рни.

## НА УТРЕНИ

На Бог Господь: тропарь дважды. Слава, и ныне, Богородичен, глас тойже.

По 1-м стихословии седален, глас 6:

Мудрость честну не многими леты, но скорбми и страданьми стяжал еси, Иларионе святе, и Бога чистым разумом познал еси, помози и нам причастники Божественныя премудрости соделатися.

Слава, и ныне, Богородичен, глас тойже:

О, Пресвятая Дево, Царице Небесная, из Тебе воплотися Божественное Слово, и Человек бысть, да мы обожимся.

По 2-м стихословии седален, глас 4:

Днесь обитель Сретенская светло торжествует, крепкаго молитвенника и пред Богом теплаго ходатая ты имущи, святителю Иларионе, ты бо в годину гонений и еретических нападений обитель сию добре упасл еси.

Слава, и ныне, Богородичен, глас тойже:

Пресвятая Богородице, Заре светлая Трисиятельного Света, Тобою грады и обители утверждаются, советы вражия посрамляются,

сердца́ вѣрныхъ чистото́ю и любóвию  
просвещáются, супостáты низлагáются.  
Пода́ждь и намъ побѣды на врагí и спасí дýши  
на́ша.

Величáние:

Величáемъ тя, священномучениче Илариóне, и  
чтимъ честнáя страдáния тво́я, яже за Христа́  
претерпѣл еси́.

По полиелѣи седа́лен, гласъ 5:

Воспо́им, вѣрнии, священномученика  
архиепи́скопа Илариóна, за Цѣрковь дýшу свою́  
положившаго, Христо́ва во́ина сла́внаго, его́же  
днесь Русь святáя достохвáльно величáет.

Сла́ва, и ны́не, Богородичен, гласъ 1:

Ма́ти Бо́жия и Дѣво, в рождествѣ́ дѣвство  
сохраня́ющая, не оста́ви насъ немощствую́щих, от  
бедъ и болѣзней сохрани́ и моли́твами Тво́ими  
избáви от смѣрти дýши на́ша.

Степѣнна 1-й антифóн 4-го гласа. Прокíмен,  
гласъ 4: Пройдо́хомъ сквозѣ́ огонь и во́ду/ и извѣл  
еси́ ны в поко́й. Стихъ: Разже́гл ны еси́, якоже  
разжизáется сребро́. Всякое́ дыхáние: Ева́нгелие  
отъ Матфе́я, зачáло 36.

По 50-м псалмѣ стихіра, глас 6:

Буря напастей смущает мя, яко умножишася беззаконія и оскуде любви, сего ради взываю к тебе, святителю Иларионе: буди ми помощник и заступник, исцели и вразуми мя и на путь спасения направи, и научи волю Божию творити.

Канон Богородицы со ирмосом на 6 и святаго священномученика Илариона на 8, егоже краегранесие: Илариона славнаго Христова ратника воспеваем. Глас 6.

### Песнь 1

Ирмос: Волною морскою скрывшаго древле гонителя мучителя, под землею скрыша спасенных отроцы: но мы яко отроковицы, Господеву поим, славно бо прославися.

Иларионе, всечестный святителю, по имени твоему и житие твое бысть, тишину бо молитвенную внутрь себе имея, радость пасхальную всем явил еси.

Лесть гонителей твоих отвергнув, мучения лютаго не убоялся еси, святе, Христа же пред судиями неправедными мужески исповедав, славою небесною прославился еси.

А́нгелов собесѣднице, Иларио́не преподо́бне, во оградѣ до́ма Живоначальныя Трои́цы, пожи́л еси́, иде́же постом и моли́твою ду́шу очи́стив, боговѣ́дение стяжа́л еси́.

Ре́вность по Бо́зе имѣя, святи́телю, богобо́рцев сло́вом облича́л еси́, такожде и ерети́ческих мудрова́ний не терпя́, нечестивы́я из оби́телей и хра́мов изгоня́л еси́, ка́ющияся же ко спасе́нию приводи́л еси́.

Богоро́дичен: Ины́я по́мощи не има́мы, разве Тебе́, Влады́чице, Ты нам помози́ мо́ря жити́я сего́ пучи́ну я́ко по су́ху прои́ти неискуше́нно от злых.

Катава́сия: Отве́рзу уста́ моя́:

### Песнь 3

Ирмо́с: Тебе́ на вода́х повѣсившаго всю зе́млю неодо́ержимо, тварь ви́девши на ло́бнем ви́сима, у́жасом мно́гим содрага́шеся, несть свят, разве Тебе́, Го́споди, взыва́ющи.

От ю́ности чистоту́ возлюбив, Иларио́не дивный, де́вственник душе́ю и те́лом пребы́л еси́ и, не пожела́в порабо́тати тва́ри па́че Творца́, на землѣ́ невеще́ственное жити́е показа́л еси́.

Небѣснѣй челоуѣче, земнѣй Ангеле, Иларионе премудре, святѣм отцем житием последуя, за Христа душу твою положил еси и земли Русския украшение явился еси.

Архиерею Божий, Иларионе святе, кротостию, смирением и терпением, паче же любовью преукрашен был еси, сего ради за мучителей твоих молился еси, Христу Богу подражая.

Святаго Духа дар стяжав, Сыну Божию, крест взял, последовал еси, и волю Отца Небеснаго исполнил еси, Иларионе блаженне, Троицы Святыя истинный почитателю.

Богородичен: Лествице Небесная, Еюже сниде Бог, долу лежащее естество наше к небеси возводиши, темже Тя, Пресвятая Богородице, любовью непрестанно величаем.

Седален, глас 7:

Священномучениче славне Иларионе, архиерею и друже Христов, ты, в темнице заключен быв, не восхотел еси слугам антихристовым поклониться, якоже и мученицы древле не возжелаша жертву идольскую принести. Сего ради помози нам молитвами

твоими стрѣлы вражія отразити и козни диавольския разорити, единого же Христа распятаго выну очесы умными зрети и Тому из глубины сердечныя взывати: Господи, Иисусе Христе, помилуй нас.

Слава, и ныне, Богородичен, глас тойже:

Предстательнице и Молитвеннице наша, Пресвятая Владычице, умоли Сына Твоего и Бога, егда сядет судити живым и мертвым, да простит грехи и беззакония наша, и сподобит ны Царствия Небеснаго.

#### Песнь 4

Ирмос: На Кресте Твое Божественное истощание провидя Аввакум, ужасся вопияше: Ты сильных пресека еси державу, Блаже, приобщаяся сущим во аде, яко Всесилен.

Апостольское слово исполняя, в безбожном мире Христа проповедал еси, Иларионе богомудре, и Церковь Его от волков, расхищающих ю, неусыпно охранял еси.

Велика тайна есть Церкви, яко невесты Христовы, юже ты, Иларионе, чистым сердцем узрел еси и ясно провозгласил еси.

Небѣсныя любвѣ дара удостоен быв,  
Иларионе, Бога Троицу во Единице, Иже есть  
Любы, исповедал еси и о Церкви Святѣй, яже  
есть любвѣ единѣние, богословствовал еси.

Адамант вѣры быв и отеческих заветов  
хранитель, святителю Иларионе, лукавыми  
учении не смущаемъ, Богородицу Чистую, яко  
Дѣву и Матерь, прославил еси.

Богородичен: Голгофе предстоящи, Мати  
Божия скорбно взываше: увы Мне, Сыне Мой!  
Како на Крестѣ висиши, зѣмлю на водах  
повесивый? Како страсти терпиши, пришедый  
спасти мир?

## Песнь 5

Ирмос: Богоявления Твоего, Христѣ, к нам  
милостивно бывшаго, Исаия свет виде  
невечерний, из нощи утреневав взываше:  
воскреснут мертвии, и востанут сущии во  
гробех, и вси земнороднии возрадуются.

О, святителю Христов Иларионе, помози нам  
нощ жития сего скорбнаго в терпении и  
покаянии без порока прейти, и радости света  
невечерняго сподобитися.

Христо́вым па́стырем пра́вило был еси́, Иларио́не, и наста́вник терпе́ливый, не то́кмо сло́вом, но и де́лом о́браз им показу́я, и благода́тию, тебе́ от Бо́га да́нною, укрепля́я.

Ра́дости духо́вныя испо́лнен, Иларио́не, ше́ствовал еси́ путе́м те́сным и приско́рбным, всех уча́ Христу́ сраспина́тися, дабы́ с Ним воскресе́нути.

Ино́цы оби́тели Сре́тенския днесь прославля́ют архипа́стыря Иларио́на, служи́теля благоговейнаго Де́вы Пренепоро́чныя, сла́ву Влади́мирскому о́бразу Ея́ досто́йно возда́вшего и тем пре́щения безбо́жных презре́вшего.

Богоро́дичен: Сла́вим Тя немóлно, Влады́чице, и ко ико́не Твое́й Влади́мирстей припада́ем, взыва́юще: покрый град Москву́ от тьмы грехо́вныя и безбо́жныя и спаси́ ду́ши на́ша.

## Песнь 6

Ирмо́с: Ят бысть, но не удержа́н в пе́рсех китовых Ио́на: Твой бо о́браз нося́, Страда́вшего, и погребéнию Да́вшегося, я́ко от черто́га от зве́ря изы́де, приглаша́ше же

кусто́дии: храня́щи сѹ́етная и ло́жная, ми́лость сию́ оста́вили естѣ́.

Ты, иерарше́ честный, о́ устро́ении Це́ркве Ру́сския ревну́я, из глѹ́бины́ душе́вныя Христу́ Бо́гу взыва́л еси́: Го́споди, чин патриарши́й возста́ви и единомы́слие в Це́ркви соблюди́.

О, Иларио́не блаже́нне, ты, Собо́ру мужей́ церко́вных предсто́я, му́дым сло́вом, благода́тию раство́ренным, призва́л еси́ их патриарше́ством Це́рковь Ру́сскую па́ки украси́ти и по досто́янию возвели́чити.

Всечестный́ Иларио́не святителю́, ве́рный сподви́жник Тихона́ патриарха́ яви́лся еси́, Це́рковь от безбо́жных власте́й и раздира́ющих хито́н Христовъ́ до́блественне охраня́я.

Архиере́я досто́славнаго Иларио́на Верейскаго́ днесь, ве́рнии лю́дие, благоче́стно восхва́лим, той бо́ град Москвѹ́ от поновля́ющих и изменя́ющих чин церко́вный огради́ и ве́рных в благоче́стии утверди́.

Богоро́дичен: Ра́дуйся, Цари́це Небе́сная, Патриарховъ́ правосла́вных Похва́ло, оби́телей святы́х неруши́мая Стено́, гра́да же первопресто́льнаго и страны́ на́шея Утвержде́ние.

## Конда́к, глас 2:

Сла́ву ми́ра сего́ оста́вив, Христу́ до́блественне послéдовал еси́ и, святи́тельское служéние воспри́им, венце́м мученичества украси́лся еси́, и ны́не, Престо́лу Бо́жию предсто́я, моли́ся, Иларио́не, иерарше премудре, спасти́ся душа́м на́шим.

## И́кос:

Свётом божéственныя мудо́рости, Иларио́не святы́й, испо́лни ум мой помраче́нный, да восхваляю́ жити́е твоё, взы́вая си́це:

Ра́дуйся, Христа́ Бо́га ве́рный служите́лю;  
ра́дуйся, Це́ркве Его́ и́стинный испове́днице.

Ра́дуйся, ю́ных до́брый наста́вниче;  
ра́дуйся, Сло́ва Бо́жия изря́дный пропове́днице.

Ра́дуйся, ве́рным путь спасéния возвестивы́й;  
ра́дуйся, хитросплетéния су́етная посрамивы́й.

Ра́дуйся, патриаршества ревни́телю;  
ра́дуйся, оте́ческих заветов дивны́й храните́лю.

Ра́дуйся, Иларио́не, Це́ркве на́шея сла́во и украше́ние.

## Песнь 7

Ирмос: Неизреченное чудо, в печи избавивый преподобныя отроки из пламене, во гробе мертв бездыханен полагается, во спасение нас поющих: Избавителю Боже, благословен еси.

Аще не явилася бы велия ревность новомучеников Церкви Русския, погибла бы вера Православная во отечестве нашем. Ты же, святителю Иларионе, с ними страдания претерпевая, взывал еси: Избавителю Боже, благословен еси.

Труды и подвиги, священномучениче Иларионе, богоугодно понесл еси, имиже разорители Церкви Христовы посрамлены быша, вернии же восклицаху: Избавителю Боже, благословен еси.

Наставник монахом быв, Иларионе святе, ты во время лихолетия обитель Сретенскую от нечестивых защищал еси. И ныне тамо мощами почиваеши, иноков ея научая взывать: Избавителю Боже, благословен еси.

Иларионе святе, Церкви Русския похвало, сподоби нас, немощных и грешных, молитвами твоими от пламене страстей избавитися и от

искуше́ний невреді́мы сохра́нѣтисѧ, Го́сподеви  
взыва́юще: Изба́вителю Бо́же, благослове́н еси́.

Богоро́дичен: Кто Тебе́ не просла́вит,  
Пресвята́я Де́во, Ты бо еси́ Роса́ небесна́я,  
грехо́вный пла́мень уга́шающая и ве́рныя  
благода́тию исполня́ющая. Те́мже Тебе́ вопи́ем:  
изба́ви нас ве́чнаго осужде́ния и спаси́ ду́ши  
на́ша.

## Песнь 8

Ирмо́с: Ужасни́ся боя́йся, не́бо, и да  
подви́жатся основа́ния земли́: се бо, в мертвецѣх  
вменя́ется в вы́шних Живы́й, и во гроб мал  
странноприе́млетсѧ: Егѡ́же, о́троцы,  
благослови́те, священни́цы, воспѡ́йте, лю́дие,  
превозноси́те во вся ве́ки.

А́гнца Бо́жия возлюбив и ду́ха ми́ра сего́  
отве́ргнув, еди́наго и́стиннаго Бо́га служи́тель  
пребы́л еси́, Иларио́не сла́вне, ны́не же на  
Небеси́ Влады́це всех предсто́йши. Егѡ́же,  
о́троцы, благослови́те, священни́цы, воспѡ́йте,  
лю́дие, превозноси́те во вся ве́ки.

Внегда́ вся власть тьмы на Це́рковь Ру́сскую  
ополчи́ся, тогда́ ты, Иларио́не, ду́хом кре́пкий,  
Христа́ испове́дати не убо́ялся еси́. Егѡ́же,

о́троцы, благослови́те, священни́цы, воспойте, лю́дие, превозноси́те во вся ве́ки.

О, священна́я и спаси́тельная но́щь Па́схи, егда́ ты, святи́телю Христо́в, во у́зах солове́цких возгласи́: да воскресе́нет Бог! Егóже, о́троцы, благослови́те, священни́цы, воспойте, лю́дие, превозноси́те во вся ве́ки.

Солове́цкая землѣ́ многострада́льная, возра́дуйся и возвесели́ся: Иларио́н бо предивный с сонмом новомучеников на небесе́х за Русь Святу́ю мо́лит ны́не Царя́ Сла́вы. Егóже, о́троцы, благослови́те, священни́цы, воспойте, лю́дие, превозноси́те во вся ве́ки.

Богоро́дичен: Пресвята́я Де́во, на Небеса́ к Сы́ну Твоему́ возшла́ еси́ и нас, си́рых, на земли́ не оста́вила еси́; покрый́ честным Твои́м омофо́ром оби́тели и гра́ды на́ша, жизнь ве́чную подаю́щи всем воспева́ющим Тя.

## Песнь 9

Ирмо́с: Не рыда́й Мене́, Ма́ти, зря́щи во грóбе, Егóже во чре́ве без се́мене зачала́ еси́ Сы́на: воста́ну бо и просла́влюся, и вознесу́ со сла́вою непреста́нно я́ко Бог, ве́рою и любóвию Тя велича́ющия.

Егда во врачѣбнице темничней Петрова града  
огневицею тело твоё палимо бяше, душа твоё,  
яко на водах упокоения радостію исполнися, и,  
сетей князя мира сего избегнув, ко Христу  
отыде.

Воине Христов, Иларионе славне, ты Господа  
в житии твоём небоязненно исповедав, кончины  
блаженныя сподобился еси. Темже зываем:  
моли милостиваго Бога, да подаст нам во  
истинней вере живот свой скончати.

Ангельское пение и звон пасхальный друзи  
твои и сродницы услышавше, возрадовашася,  
Иларионе, уразумеша бо, яко душа твоё чистая  
на Небо восход совершаше.

Егда тело твоё многоболезненное во гробе  
положено бысть, чада твоё духовная со слезами  
к тебе зываху: молися о нас, праведниче, у  
престола Господня.

Богородичен: Мати Безневѣстная, не лиші  
нас Твоего заступления, умоли Милосердаго  
Судию оправдати ны, верою и любовью Тя  
величающих.

Светилен:

Вси святии Църкве Русския ныне торжествуют светло, священномученика и архиерея Илариона зряще, с ними Троице Божественной молитвенно предстоящаго.

Слава, и ныне, Богородичен:

Пресвятая Богородице, дивное селение Бога и Слова, помози нам, Милостивая, молитвами Твоими терпение и упование стяжати, и спасение улучшить.

На хвалитех стихиры на 4, глас 8:

О, преславне святителю Иларионе, учителю истиннаго богословия, тебе от Бога дарована бысть мудрость благодатная, во след отцем шествовати и истину Църкве возвещати. Сего ради просвети души наша помраченныя, в разуме церковнем утверждая.

О, предивне священномучениче Иларионе, на судищи безбожном стоя, ты Христа мужески исповедал еси и верныя в подвиге укрепил еси, темже помози и нам в житии Христу последовати, да не посрамлени будем на судищи Божиим.

О, достохва́льне архиере́ю Христо́в Иларио́не, благода́тныя си́лы испо́лнен, о́браз и́стиннаго па́стыря яви́л еси́, и о еди́нстве церко́внем неусы́пно ревновáл еси́, те́мже бу́ди и нам па́стырь до́брый и к любви́ и́стинней наста́ви.

О, Иларио́не, священномучени́че до́бле, ты, на Крест Христо́в взира́я, ми́ру сему́ распя́лся еси́, оскорбле́ния и боле́зни смире́нно претерпева́я. Те́мже моли́ Христа́ Бо́га укрепíti ны на пути́ крестнем и сердца́ на́ша све́том непристу́пным просветíti.

Сла́ва, глас 6:

Сёрдце до́брым по́двигом предочи́стив, бла́га ми́ра сего́ презре́л еси́, Иларио́не священномучени́че, и Христа́ пред безбо́жники небо́язненно испове́дав, благода́ть Свята́го Ду́ха стяжа́л еси́. Те́мже имы́й дерзнове́ние ко Христу́ Бо́гу, моли́ Того́ спасти́ся душа́м на́шим.

И ны́не, Богоро́дичен, глас то́йже:

Богоро́дице, Ты еси́ Лоза́ и́стинная, возрасти́вшая нам Плод Живота́, Тебе́ мо́лимся, моли́ся, Влады́чице, со святы́ми апо́столы и священномучени́ком Иларио́ном, поми́ловати ду́ши на́ша.

## НА ЛИТУРГИИ

Блаженны от канона святаго, песнь 3-я и 6-я.  
Прокимен, глас 1: Уста́ моя́ възглаго́лют  
прему́дрость, и поуче́ние се́рдца моего́ разу́м.

Стих: Услы́шите сия́, вси язы́цы, внушите́,  
вси живу́щии по вселе́нней.

Апóстол ко Евре́ем, зача́ло 318.

Аллилу́ия, глас 1: Терпя́ потерпе́х Го́спода, и  
внят ми, и услы́ша моли́тву мою́.

Стих: Мужа́йтесь, и да кре́пится се́рдце ва́ше,  
вси упова́ющии на Го́спода.

Ева́нгелие от Иоа́нна, зача́ло 36.

Прича́стен: В па́мь вѣ́чную:

**[Утверждена Священным Синодом Русской  
Православной Церкви  
16.07.2013 (журнал № 83).]**

